



陸士衡而後罕見其匹 叔雲起曰文通擅長千古作者自謂欲避其鋒然統觀諸作亮音高節置之古人集中不復能別正恐前賢畏此後生

蘇屬國別友

悲笳中夜發。塞馬徘徊鳴。起視夜何其。屋角星縱橫。歸人戒征鞍。念子不能行。穹廬置尊酒。聊以慰遠情。昔者居中土。兄弟視友生。何況當異鄉。乖離不復并。河漢有曙色。絲竹無歡聲。美酒酌大斗。涕下難為傾。黃雲玉關來。羈愁交相縈。所恨無羽翼。挾子俱遠征。
叔肖巖曰起境蒼涼是漢人語 章犀臺曰置之漢人集中有何分別 又妙在有真氣 非貌襲也

孔北海述志

黯黯炎精衰。赫赫當塗盛。權臣亂天紀。挾主盜國柄。孤忠貴盤錯。疾風知草勁。伊呂起耕釣。自謂識天命。夷齊慕高潔。惜哉力不競。安能託餘輝。借以自燭鏡。幸不惜巢卵。努力禦梟獍。狂夫笑濶畧。中酒為余病。所願結志士。心親無貌敬。靡鬲亦燼臣。竟能反夏正。
叔雲起曰拉雜反復慨慕無端逼真 北海心事章犀臺曰曹公莽莽古直 悲涼詩境 彷彿似之

秦士會贈婦

賜谷飛金鳥。碧海騰玉兔。結髮會幾時。離別轉多

琴士詩金 卷三
故清風動蕙帷。房櫳時反顧。念子如在前。多爲形影誤。遣車旣空返。省書不能語。道遠難驟歸。何以展余素。願言進鍼藥。保愛幸自護。衣裳慎寒燠。服食節朝暮。轉輾迴中腸。憂思不可吐。

曹孟德憫亂

董卓肆暴亂。王綱殊不申。山東兵自戕。勢利還相吞。嗟余奮袂起。次第殄妖氛。恩威及遼遠。王靈亦已振。衆口不能諒。邪說叢一身。豈不決勇退。履虎還啞人。緬懷蒿里歎。悲怨不可論。生爲周公旦。死表漢將軍。
叔肖巖曰清勁絕似孟德章犀臺曰又似左太冲

陳孔璋遊覽

公府罷高讌。夾道散簪纓。歸廬少憇息。念言尋友生。友生不可尋。逍遙步園亭。月出天宇淨。照我池塘清。浩然發長歎。欲語還吞聲。不悲功名暮。所悲歲月傾。文章違宿志。鐘鼎安可銘。太息反房寢。獨坐涕縱橫。
盛春谷曰頗采孔璋原句成章文章違宿志一聯乃令我爲孔璋一哭原詩那得如此警絕

郭泰機答友

無米難作炊。無絲難理機。織成五尺絹。不足裁爲衣。今子案左右。萬匹任所爲。况復秉刀尺。持之將

衣誰不惜我無衣惜子衣者非子倘得其人我寧
霜澈肌空懷衣被心竟爲寒素悲

盛春谷曰
意婉語深

謝宣城治郡

民俗快陶甄皇恩欣布濩案牘有餘暇邱壑縱晚
步綠皺春穀泉紅滿陵陽樹條條風吹裾離離草
沾露葉動輒歸鴉林隙走飛兔勝景常若斯流光
不可駐紆紫衆所欣畫錦吾獨慕願言返東田幽
蓬葆衰素

章犀臺曰清
遠不愧擬謝

王元長古意

明月不解事隨風入幽房庭草淒以綠馥馥有餘

香金釵卜長夜玉袂無容光杜宇關山暮鴻雁東

南翔思君隔千里涕下沾衣裳

盛春谷曰音節自
然無絲毫湊泊

沈休文愁卧

東園草木新卧病愁轉侵但覺風習習不知春深
深蛛絲巧當戶飛花時點襟坐看日過隙倦聽鳥
嘯林物態變朝暮美人懷素心流光迫奄忽早此
抽朝簪

柳吳興擣衣

登高望遠人愁思日暮起別浦少歸帆寸心結千
里青斷巫山雲綠滿洞庭水砧杵落明月聲聲秋

不已

任彥昇講學

下灘舟勢疾上灘舟勢緩舟子筋力疲舟移如尺
短失勢力不齊一落數丈遠要當爭中流勿使舟
倒轉嗟余本踈惰淺學滋醜腆古人收桑榆君子
貴強勉不植將自落有收服乃畎終始欽說命慎
哉半途返

袁簡齋太史曰語意警絕過原
詩遠甚此篇正以不擬爲佳

王蘭陵寫怨

門前新人來閣後故人去落葉已辭枝遊絲猶繞
樹願君日卽新亦或時憐故棄人勿棄物衣我手

織素

宿田家書所見

日暮傍田家叩門欲投宿啟戶有老翁相迓入其
屋告以近市人偶然來山谷爲問今年荒田家恐
不足老翁聞我言色變意轉酷答言去歲歉家猶
有餘蓄今春連夏雨無麥復無粟合村婦子號一
日不再粥縣令不報荒催科似火速追呼已難當
加之以鞭扑嘆息言未已兩吏來相逐老翁急避
走入門肆督促向客索主人似訝面小熟亟去適
鄰家隔籬聞索穀捉雞徑出門村店換酒肉

伯甄
溪曰

樸實寫去如讀
元次山春陵行

詠古

高辛妃姜嫄出修郊禘祀遂開周家業八百基所
始帝聖妃更賢持身端其履天意欲隆周聖母生
聖子豈有大人迹而以足踐之稼穡以粒食聖人
應運垂聖人應運與何藉靈異辭乃令後世人千
載有疑思盛春谷曰神靈之生詩人之體正不妨
迷離恂怛以見造化之奇然論自正大
首陽有商民誓不食周粟欲明萬古義不求一已
祿義士何代無要在景芳躅世歷三千載西山不
可磨試問表忠觀孰先采薇歌

管子天下才三敗不為耻一朝使作相齊國臻上

理大矣攘楚功霸業之所始苟非鮑叔薦久困堂

阜死生我者父母知我者鮑子

章犀臺曰敘事以
勁氣出之不著議

論中自
有議論

晉侯從亡者介推最好名賞功祿不及隱綿不求

榮獻公子九人惠懷皆無親既知天有命何乃出

怨言反覆以自明詎謂焉用文

夫差得西施父讐不復憶世謂勾踐強獲此美人

策歌舞亦偶然豈便能亡國爭晉猶得先滅越詎

無力失計是伐齊軍疲士乏食沼吳在好兵非祇

由好色

盛春谷曰正見好兵之甚不可寬一層實緊一層

魯連世奇士一笑揮秦兵信陵乘其銳直抵咸陽

城百年一快舉此後無嗣音豈徒能存趙實有宗

周心功成拂衣去糞土視千金

始皇并六國經營萬世畧欲弱天下人銷兵墮城

郭中原取民脂海上求仙藥天子而神仙快事那

可得徐福去不還山鬼來獻璧

古傳秦皇鏡皓皓察秋毫忠奸不並列鬼蜮難潛

逃宮女亦何辜小過誅爾曹既云照膽明何不鏡

趙高

伯甄溪曰一說破便成千古笑柄

一擊中副車秦王未應死始知天有意荆軻亦如

是但譏劔術踈母乃悲壯士不然秦政亡扶蘇作

天子守成有中主富強尙足恃天意欲亡秦未必

速如此

兄穎存曰意本前人而出筆朗朗別饒姿致

漢之所由帝功勲兩鈞臺子陵隱巖灘早賦歸去

來韓侯不解此乃及未央災人苦不知足功高何

在哉

兄穎存曰起筆簡鍊有力

挾客遊關中子房心舊主借漢以報韓滅秦更覆

楚故國已云亡戀戀猶如此哀哀淮陰侯豈非韓

孫子如何未央宮王孫竟慘死釁起躡足王忍心

詎至是

李陵既生降士夫咸不齒太史陳其功遂抱蠶室

耻慘淡河梁別涔涔不可止借茲故人行洩我心

中苦泣下為龍門因以別蘇武知己良獨難忍令

長終古

盛春谷曰傷心人別有懷抱非直賦其事也

劉禪信孔明事臣如事父一德邁聖明非獨推肺

腑隆中定三分出師竟何補盡人不問天老臣心

獨苦哀哀白帝城臨終疑乃吐孺子倘不才君須

自為取知亮實不深尙未及後主

盛春谷曰先主一語幾殺孔明

後主實為難得

文若一代才事曹尤盡力既為魏子房佐命亦其

職騎虎勢已成而乃阻九錫一死良獨難用心吾

不識

獨坐有感

秋風襲我衣秋露濕我裾秋氣逼我體秋雲遶我

廬秋月知我心徘徊立古壁照我癡頭影憐我山

居寂山居亦有年明月伴我久何以持贈君酌此

盈觴酒

潘蘭如曰格調獨創

伊人何所在乃在山之谷我欲從之遊可望不可

卽白雲藏其身秋水遶其屋搔首徒悵望烟霞障

吾目

田家有紫荆兄弟分析之草木有微情萎此芬芳
姿兄弟意感格從此誓無私仰視庭中樹燦燦垂
華蕤微物尙如此人心何所虧

龐然水底石不與水面平將石投水底鏗鏗其有
聲音沉形亦滅安用初錚錚富貴固徒爾虛名復
何榮齊景一何愚牛山涕縱橫銘金與沉碑寧益
身後名

遲友久不見至

美人橫素琴一彈一清心山水非我意相思在知

音寒鴉叫不已落日歸深林

過半野居同兄庭山訪僧西印不遇

高人無一事客到始開門吸取澗中泉同煮梅花
根幽興不可已漫踏招提路重門多積葉落日隱
寒樹白雲滿空山采藥知何處

贈吳姓二童子 一名鑑 一名拱辰

吳家有二童小時能了了出語頗從容舉足不佻
巧詩賦似成人經義亦通曉古有張童子未必若
斯好惜吾非昌黎烏能進以道世俗重功名學人
矜才藻詞華固末技未足資探討况乃駢與儷掇

拾殊草草不朽首德功立言當及早聰明幼則奇
鳥可恃以老幸勿迂吾談年華去如鳥富貴恐逼
人榮名以爲寶

洪北江太史曰格調
氣韻俱似蘇長公

哭季春兒

寒氣逼瘦骨凜冽欺病體我疾初得愈天禍未肯
已春兒週歲半遂乃遘疾死憶昔兩年前驚風喪
爾姊哀哀爾祖母痛惜未有解及至去年春三月
得生爾祖母始開顏一家皆欣喜取名季春兒視
爲掌中寶爲爾排八字關煞多可駭恐爾壽不長
將男呼作女不復呼爾名且復呼爲婢今年春三

月乃爾週歲期亦知呼爹媽亦知喚祖母爾母病
羸弱乳母又無有爾旣欠乳哺體弱不能走秋來
七月中爾父爲病累起立待人扶醫藥待人理祖
母抱爾來戀戀依床第指爾慰我心嬉笑以相視
慙慙三閱月閉門還擁被九月十五日爾母生爾
弟爾父方病愈扶杖乃能起爾母初解懷湯藥從
此始無人檢點爾凡事責婢子婢子不小心生冷
任爾餌不爲計可否但願爾啼止肺腑受寒深病
根伏在是肌膚漸瘦削精神漸委靡始急爲爾謀
救遲終何裨卜禱神不靈參苓投如水冬十一月

初舍我長已矣哀哀爾祖母悲傷入骨髓爾母又
 女流號啣淚如雨愈傷祖母心痛哭禱可洗因之
 強言笑未敢輕揮涕豈知心斷絕百折腸瀾瀾福
 澤避寒儒命蹇已如彼何當兒女間摧殘又若此
 悶悶夜漏長恨恨何所底作詩以代哭蒼天其鑿
 否叔雲起曰無一語不真讀之令我心惻一語反
 臺曰真氣傷人心骨讀至福澤避寒儒一語反
 使無無限亂絲一刀斬斷

致兄庭山

吾兄富文章弟時猶未弁不以幼見遺商摧到筆
 硯砥礪經術中快逐文場戰教弟慕古人指點及
 紀傳相謂同一心兄面如弟面如何數年來乃自
 趨安便中道忽棄余躑躅追時彥昨者寄弟書責
 以負舊眷讀之未及終心驚肉已顫弟學古人學
 豈因親愛變功名尙不貪肯爲酒肉戀世俗誇結
 交變態如轉電兄或偶入之自試鋼百鍊薰蕕器
 不同黑白光易眩吾兄幸聽弟莫以規爲瑱叔肖
 巖曰
樸擊古道交
 當如是也

贈孫竹泉 名聖範宣城人

江城偶縱步逢子書肆中翩然年少客意態凌飛
 鴻買書數百卷縱橫論不窮作賦鏘金石學成耻

雕蟲謂余無點俗自許意氣同苦邀至其家置酒
何從容今夕此何夕歡讌燒燭紅明朝策馬去一
別如秋蓬願子執高節努力期令終

同叔肖巖梧江雲起兄采臣纘侯晚過幕山
寒風已颼颼楓葉尙未落林間一片紅映日入城
郭追隨南北阮言尋大小幕山路苦傾歆炊烟靄
叢薄上方發鐘磬暝色赴嚙嶠到門興已闌修竹
差不惡僧雛邀入寺祇此憇行脚小住亟回翔林
端響歸雀

浴佛節家廟祭祀四十四韻

水木有本源饗祀盡孫子百世合吾宗一廟不愧
士率祖義則然灌佛事徒爾子敬雖云賢恐未燭
厥理吾祖簡靜公舊族本天水自宋南渡來洛陽
遷於此屋繞賞溪流門對西山峙遺種在僻壤聚
族結仁里迄今五百年子姓無他徙縱未大間門
願言敬桑梓家廟城東隅堂構誇煥美長橋跨兩
塘䟽櫺映百雉外室敘彝倫內寢安祖妣時祭分
各支節日有小祀四月浴佛辰潔齋進筵几高高
祖歆閣公爲是祀始設田備酒脯歛資奉簠簋遺
我後之人世守纘前軌及期先戒事夙夜自勤止

黎明集族人俱入廟中俟主祭擇德賢亦或躋膺
仕奉盛潔可告獻爵酒其旨與祭分兩行左右列
邇迤燦燦袍則新峩峩冠則頽勢踈地則親服盡
序可紀位次依昭穆同則先年齒拜跪聲不譁趨
踰足斯跂一氣通冥靈一堂肅瞻視徹俎尙矜持
畢祭無徒倚頒胙徧紳衿老壽常倍蓰設席延所
親降福體神指諸父及兄弟具慶徵燕喜獻酬爵
無算祝頌歌樂只但有度禮儀自不驚箸七翩反
戒角弓本根庇葛藟世世常若茲綿綿其未已我
思古聖人制禮真無比微能體人情迹不矜竒詭

遂使人子心各得盡其鄙巍巍吾祖先古佛豈不
似存禮以事亡生禮以事死小則供盤殮大則備
牢豕何須下金鏡用以禳福祉借彼釋氏功遂抱
儒者耻

盛春谷曰整襟一讀使人孝弟之心油然而生

齋中對月

金井生涼飈。銀河橫素影。忽見白玉盤。照徹衣裳
冷。獨酌不成歡。佇立清夜永。豈無素心人。道遠路
則梗。願言寄相思。同此月耿耿。

山中早行

前山多白雲。雲滿山無路。行行雲之中。身近雲忽

去漫漫禦我前冉冉隔數步迴首望舊途雲已迷
來處同行四五人咫尺失相顧不見雲中行但聞

雲中語盛春谷曰非此筆不能寫出此情景 叔肖巖曰此與前章俱是韋柳派漁洋所謂

味在酸醜之外者

哭兄纘侯

嗚呼纘侯兄舍我長已矣念同歌閣公六世從兄
弟重之母族親况乃年相似少時共嬉戲往來無
彼此兩家父母間皆作兒子視稍長能讀書每使
同硯紙前後十餘年聯床聽風雨句讀細商量文
章相礪砥方當期有成詎意竟至是先是兩三日

弟聞兄病殆亟來候視兄執手坐床第猶憐弟形
瘦母乃憂憤積又自言病源寒深食作痞胸次冷
如冰快意須熱水僅僅間一日復來問愈否搖首
不能言指口惟以手醫藥既罔效沉疴遂加駛得
疾日五週嗚呼竟不起上有雙老親半百多年紀
下有五歲兒零丁從此始所係身不輕何以棄如
屍嗟我非木石轉輾情曷底恨非曠達人彭殤一
生死念之每氣結中夜不能止撫心忽自疑疑在

夢寐裏叔肖巖曰情真語摯閱之令我心傷 潘蘭如曰生死理亦齊何其曠達此云恨非

曠達人沉痛 尚可讀耶

詩成情不能已復作二首

生別猶惻惻死別真吞聲何意千金軀棄如敝屣
輕文章總壽世時命嗟不平生前苦寂寞何用身
後名感喟摧中藏百折愁交并

轉輾不能寐披衣當前楹春風動帷幕蕭颯作秋
聲念之自淒切非關氣候驚別院寂無人素輝流
空庭譙更苦不息雜聞子規鳴隻隻方寸地搖蕩
難爲情不知肝腸斷烏禁涕淚橫

與雲起五叔論畫竹

昔者薛耀亭自矜工畫竹我意殊不然疑其力不

足今者後鐵峰自云畫竹工我意又不然謂其力

太雄

耀亭名球如阜人鐵峰名禮無爲州人

我輩雖不畫要貴知畫

意但使得其神不在誇能事在昔文湖州真妙俱
並臻息齋真不妙東坡妙不真古人不可見古語
今則聞聞叔近作竹此事當細論

題從兄師臣印譜後

史邈久不作古意漸已淪吾兄靜者儔豪氣復邁
倫高懷薄典午劇欲追先秦當其執石時端坐如
木人目精不搖蕩心精潛屈伸咨嗟未下筆力已
透蒼琅冥搜入奧竅豁然見其真舉腕不停掃白

雪揚飛塵鏗鏘中金石風雨入鬼神如開羊腸路
一線杳無垠又如勢破竹一下直到根又如庖丁
屠奏刀無逡巡及其更十九芒又猶若新啞然忽
自笑擲筆豎嶙峋淋漓染腥血璀璨堆白雲庶幾
古銘刻如彝器雜陳高雅令人慕莊嚴不可親造
詣有若此安用數李甄

闕盛春谷詩有武陵姚卓亭者與李澄湖訂
交甫八月而澄湖卒卓亭爲刻其詩以傳
余不知澄湖之人與詩何若獨感姚君之
義足以勵世厚俗不能不三致意焉

古人諾如金今人棄如土世故多周旋論交竟何
補所以王仲回不敢易言友况如杜陵詩翻覆作
雲雨古稱管鮑交次則陽與禹姚君獨何人義與
古人伍訂交淺淺耳但以心爲主不易平生言竟
至鬼神吐遂使錦囊人心血不虛嘔當其論交時
未見出肺腑及其更生死不肯輕首鼠因知故人
交所貴在要久淡者日以親濃者難爲後慨吟春
谷詩茲事已千古

喜盛春谷至

春水上小堤春風拂楊柳山中樂方深忽念烟霞

友孰意翩然來一笑遂把手僮僕解吾心奔走沽美酒擊節賞新詩好我忘其醜健談寐不成曙光穿戶牖

權歌行

鼓權莫愁村乘潮上水門乘潮來復去莫問妾家住妾家住橫塘門前藕花香採蓬不採花妾心紛如麻妾心不輕吐蓮心獨憐苦心苦那得辭輾轉誰相知相知一片月照妾權歌發

汪醒菴曰六朝遺韻

木末亭

勝地據梅岡孤亭當大路北有景公祠旁有方公

墓二公事始末牧豎知其故指點說忠孝往往泣相顧足知人有心賢愚非異數取仁心則違見義力不赴美惡豈不分富貴動浮慕早知隙中光不敵草頭露三楊擅相業六州錯難鑄

江行示同舟諸子

擊汰發石頭揚帆指采石狂風偃蘆葦宿霧迷咫尺陰陰秋雨沉漠漠水雲碧舟人貪程途船頭頻指畫水聲急潺湲客子變容色大江流萬里所爭在片席豈以千金軀而爲一屣擲願言遠飈飛所苦無羽翮憂疑可如何見地奚褊窄須臾天氣清

倏忽波浪寂霽色開遠林翠螺插峭壁停舟艤近
岸酌酒慰驚魄皓歌夜將闌江月半窻白

北固紀遊八十韻

時族兄偉堂為鎮江府學訓導名帥字元一

遊山夙所好但苦鄉居偏吾兄在京口一席為冷
官襍被從之遊握手先言歡亟云北固好金焦都
在前便理雙木屐提攜出北門路尋石羊巷碑卧
天津泉狼石泉之左排列如蹲獬有懷漢帝備復
思吳主權英謀豈合軌急難姑為援隆隆兩裂石
宛如試劍痕流俗喜附會荒誕不足信邇迤上龍
岡迢遞出雲端探竒須鑿險履危恃心安突兀見
鐵塔霄漢摩鶴盤陽文凸一面依稀記歲年目力
不能到惆悵空復看樓臺隱馳道屈曲轉朱欄湖
石半依樹梅蕊將衝寒凌雲亭上聳汪洋恣大觀
仄足俯大江接手捫青天洶濤奔萬馬巨浸滙百
川如何雙玉山浮來爭後先金焦分左右門戶開
兩邊漁舟小如鞋一一相蟬聯同遊測其數慧眼
誇精專我笑不能辨言尋原路還遂登石帆樓一
梯踏雲間煙氣迷爪步餘霞散江干帆檣飛上下
葉葉當窻旋因謁衛公祠入門見三賢長髯座據
左不問知坡仙右者米海岳骨秀神自騫峩峩李

贊皇英風不可攀晉公差比烈太牢徒相譎堦前
兩古柏手植今爭傳百尺仰參差十圍視團欒勢
擬龍蛇走蝕滿苔蘚攢傾歎懼仆折撐扶資石磬
甘露依山半入寺聊遷延古壁氣索寞佛像金新
鮮稽古孫皓建紀瑞真自謾寺額猶依舊時代幾
變遷蕭梁愈滋蔓崇佛好因緣鐵鏤有鑄賜在宋
猶能完於今七百歲長埋荒草烟此物衆所惜吾
意殊不然我思張僧繇丹青通冥元又思陸探微
一筆畫如椽天人翔寥廓狡獬戲蹯跚神物當呵
護豈意終摧殘空懷米芾史高吟子瞻篇吾兄靜
者儔訪僧過前軒徑通修竹綠堦侵細草妍山僧
午自課素珠記一編翩然喜佳客輟經致禮虔果
看鹽水煮茶當活火煎華嚴方誦罷相對談妙禪
永叔收秘演潮州愛大顛但取道理足非關異說
眩因心得頃刻迴步任彎環巍然寶晉院堂廡靜
囂喧昔爲研山易今爲多士甄入室見石刻蘇米
像翩翩香光跋其後書畫兩嬋娟剖璞玉已得探
驪珠自圓撫摩三歎息餘者徒譏譏上方發暮鐘
炊烟散小巒暝色鎖寒樹返照開夕曛淋漓滿懷
抱彳亍反城闔言歸日精館共啜夜中餐撫几不

能語默坐心自懸自秦鑿曲阿茲山雄東南世歷
 二千載遊者更萬千沒世君子惜盛名俗態謹彼
 皆賢哲人或在當途班枯榮隔陵谷異代歎沉湮
 而我何為者涓滴附大瀾空作小蟲吟徒為寒士
 酸吾兄笑語我此事且勿言明當買小艇挂席遊
 金山叔肖巖曰洋洋大篇而敘次分明讀之不啻
 親歷其地何必以畫當卧遊也其詩品亦在
 白蘇之間

同兄偉堂在中遊直指庵過魯子敬墓

尋山出城北聯袂緣山麓疎林聞磬聲茅庵結巖
 腹地僻塵自清泉列茶更馥白雲隱松杉微風滿

修竹山僧導客起小步還繞屋高塚俯荒邱傳是

古魯肅殘碣識署漢寒烟歎埋玉四野望蕭條墓

門草不綠會待春風深黃花被山谷

偉堂云去歲
三月過此黃

花可觀今
時尙早也

久旱得雨書以誌喜

去年江南旱粒米如粒珠大矣

堯舜仁荒政傾內帑口食粗仰給殘喘延斯須需

麥恨春長性命與之俱大風揚黃沙晴雲流赤烏

汲水井華竭望隴麥畦枯書生雖不耕急雨如農

夫日夕望青天翹首雲有無今日何好日急溜灑

菰蒲天公元氣迴槁壤一霎蘇苗芽樹有枝抽青
圃長蔬麥熟可預卜兩米同一桴間里民氣靜且
復思蓋儲吾亦樂陶然飽飯誇腐儒旁人忽大笑
君收幾石租袁簡齋太史曰藹然有道之言一結乃涉筆成趣

登焦山

雨餘越城郭言尋焦山麓麥秀交微風柳芽出新
沐片葉渡春江千里一色綠古寺白雲深鶴銘留
片玉上有三詔洞焦公此息足何當古君子感夢
標幽獨真皇託神道此語恐虛瀆爰登峯外峯小
憇竹樓竹梵音落空山蒼茫迷去躅

和焦山僧巨超尋雷轟石舊處原韻

瘞鶴銘已出江矣巨超告余尋其舊處尙
得明賢諸刻喜而賦詩爲疊其韻酬之

懸崖有古碑風雨時爲掃徑窄常交藤石滑不粘
草瀕洞俯大江一氣流渾灑巨師游興竒聳身下
樹杪但鑿混沌開不顧山靈惱蛟龍測深窟猿猱
絕線道上有昔賢刻一一恣探討金石吾所欣到
處窮遐考恨遲三日來不與繼幽島輸師佳語留
傳之後人好况乃得新詩快如搔背爪隱見物有
時忍使鮫宮保梅石居曰昔人不喜作和韻詩懼其牽強也似此自然流出那復有

痕迹
可尋

流俗但喜新古蹟厄一掃石幢埋寒煙心經委荒

草焦山舊有集右軍書陀羅尼石幢及心經古刻余訪之皆不得我來訪名山惆

悵春波瀨誰知巨超師鑿險踰木杪告我古刻奇

破我痴頑惱便欲理雙屐從師經舊道白雲失巖

端洪濤阻幽討豈不決勇往捫蘿快搜考嗟余賦

命輕未敢渺江島瘞鶴出寒崖佛壁甃亭好螭角

折轟雷雪鴻留半爪念言素心人愛護永相保元兄

一日疊韻詩全無拘滯之態真得髯蘇妙處胡駿夫曰一片愛古深情讀之令人意往

別翟警卿

君雖居近市不作市道交自喜識貴賤遠接賢與
豪接交不在多所貴在久要粗豪亦快事人理細
如毛君子審擇人肯與俗士吮行矣吾何言勉旃
慎厥操

題朱雲峰林泉小憩圖

我性不好遊閉戶鑽故紙非謂卧作遊其實懶不
事九華與黃山徒然近尺咫况乃五嶽奇夢想不
到此雲峰磊落人慷慨蠟屐齒名山雖屢遊足跡
未肯止忽作小憩圖林泉耽彼美人疑遊或倦翮
翩思故里我謂小憩者意在翻然起奇勝徧天下

豈在一山水謝公所未經向禽願方始搜剔及幽
荒迤邐徧遐邇有得無不書聞竒卽襍被歸來逞
雄談助我證經史

琴士詩鈔

卷四

涇縣趙紹祖著

孫同璋曾孫

鵬飛
蛟起

同校

南陵掃高高祖塋作示同行諸弟兄

峩峩吾祖塋兆域寄郡鄰仲春迫佳節一盃思薦
陳清晨催僕夫鑣轡揚連塵日午過孤山斧鬣望
若蹲樹木聳蒼蔚穹碑豎嶙峋整容想戚戚羅拜
看彬彬旣奠墳上土飲此尊中醇弟兄起更酌彼
此意各申在家反覺疎在墓反見親豈繁疎者親
念此墓中人譬彼原上樹枝葉敷且繁花實雖各

結一本同此根譬彼山下泉溪壑流無垠派別雖
有異一滴同此源俯仰自太息欲去還逡巡翩翩
歸林鳥悠悠還山雲冥冥孤烟起蒼蒼寒日淪寄
宿墓間屋連榻草上茵中夜語絮絮起坐對訴訴
詰朝辭墓返此樂切更真回首坡隴隔遙見佳氣
新歸家念天顯努力各自敦

洪北江太史曰作者集中屢見此等真摯

之作學人之詩故自不矜浮艷

同寺僧晚步遂登響山

晚食可當肉無伴來呼僧步出蘭若外蕤麥連荒
塍忽看山合沓努力登峻嶒林黑木欲合崖險路
若崩古洞走老兔深谷啼餓鷹科頭冒新露被衣
牽枯藤耳邊風颯颯樹杪雲層層猙犬遮生客遠
渡明孤燈看師肌生粟顧我心亦憎久立似不可
回步如騫騰禪課已將罷木魚響登登

同叔梧江僧西印晚立幕山橋上

西山新雨霽溪水赴衆壑麥畦交微風日色隱林
薄既從大阮遊復與遠公約長橋卧白虹連步渡
短笻乘流沿碧溪倚欄憇倦脚歸牛正下來團鴉
亦散落暝景不可駐羣動思所託官道急行人翹
首望城郭

壽蓮社上人六十

收歛加冠巾昌黎語絕倒我謂儒者心何物不在
抱畛域奚自生浮屠亦有道巖關蓮導師無事不
了了公才吏用兼豈惟彼教寶况復篤天倫殷勤
異枯槁負米致二親孝養以終老凶歲憫民艱捐
施恐不早為粥俟塗人能使饑者飽師有二弟子
詩畫到恰好見明玉輝余喜與之言豁然塵俱掃因之
識吾師其事頗通曉寄來一幅絹稱觴囑屬藁師
教一死生我願師壽考

洪北江太史問志局孰善詩作詩答之

輪囷集眾材大匠度且擇側承宏獎心未敢恣假
借此中多文雄抑或少詩癖翟子老輩行嘯崖遇事
我自抑亦聞能為詩不欲相指摘二朱競才華士題
毓臣乘風展六翮制藝知擅長風雅我未識射洪好
鈔書鳳石經史編屢易摘要得其精頗為後生益桓
桓左太冲好學晚更劇奇書與僻字三餘勤搜剔
論韻甚精專所賦殊寥寂春谷著三餘偶筆其論韻數條最精而不見其
作比者延陵吳此道忽大闢長沙別駕才位三五字
頗自惜其季近馳名宣甫敏捷眾相惕詞場屢冠軍
偏師未來逼城南有瘦張端甫幼慧實難得緬想卅

載前曾與同研席旗鼓屢相當隱然一勁敵邇來
小濶踈未審能如昔其餘或新交生平非所歷豈
無大雅才不聞金聲擲當世逢先生江上稱詩伯
領袖樂羣英素心常脉脉美人工剪裁慨焉施刀
尺垂問忽有及使我心惻惻世俗重科名欲振已
無力知音本自稀况乃鄉居僻躑躅四十年未免
鷓過嚇狂來倘不嫌猶將肩一拍

諸山僧同集幕山圓通庵迨夜小雨小幕山
僧文澈欲歸山寺率用東坡和守詮韻

山頭寺中僧夜雨歸山寺落葉滑如泥赤足不着

屨一路聞犬聲祇從此徑去

水西僧慧業亦欲歸又疊其韻

隔水可聞鐘聞渡方到寺黑雲隱歸林亂石滯行
屨不見渡中人祇有櫓聲去

既而湖山桓公祠僧鏡空亦欲同歸云必要
家去又疊其韻戲之

諸僧皆寺僧師居不是寺不肯一日閒踏破一雙
屨師今已出家何乃云家去

又疊韻戲代其答

有寺本無寺非寺亦是寺直欲空此身何乃惜此

屢凡家皆非家不礙云家去

江水涼

水亭夜集即席呈洪北江太史

時戒余勿弈

先生雖在座吾詩亦出手舉杯屬先生亦願同飲
酒詩酒敢云敵吾未憎吾醜如何一局棋乃復嫌
居後側承先生言愛我非在口莫使誰何人居然
琴士右人生貴適情安能計勝負後生盡先鞭琴
士命不偶富貴如浮雲諒非金石久而况五百年
琴士未必有區區黑白爭何須論誰某喟然三歎
息仰見星與斗洪北江太史曰曠達之言雜以詼諧正復慷慨當以慨
聞族兄偉堂訃

吾兄富文章先子推畏友我時尙垂髫終朝侍詩
酒不以幼見遺好我忘其醜鄭虔有三絕杜陵露
兩肘金焦好山水羈此儒官久才高慕大縣自誇
霹靂手惟我頗諷之閒劇爲分割豈意事竟乖果
至命不偶作詩復寄我語意如執咎邇來不肯歸
未免饑驅走乞米向四方累此家十口登車見白
雞本命歲在酉兄已酉生委此千金軀有如棄敝帚望
哭國西門何時正邱首有子可似續兄言不必有
兄嘗語我曰吾有子如無子文與詩即吾子也豈如詩與文名留千載後
與胡偉人夜話

昔曾從談彪慷慨論前史豈知邁遷固卓犖有吾
子弱冠舉于鄉芳名聒余耳一旦惠然來迎門亟
倒屣意氣無等倫流連遂移晷烹葵未嫌吾燒燭
對彼美高談薄雲天蛙鳴笑井底嗟余少失學衰
老安足紀豈惟纏牽長不能致千里吾子富春秋
拾芥視金紫矯首知雲驤拭目看鵲起傾蓋雖在
今投分已踰始兩世得交誼喟然仰喬梓

次張端甫見贈元韻

殘暑猶逼人快此秋雨滌閉戶獨繙書二史證歷

歷

時著新舊唐書互證

舊交漸已稀古人差可覲城南剩一

張頗爲世表的下帷近城東孤燈常掛壁手持一
紙詩投我破岑寂我本迂疎人朝乾復夕惕檢身
如不容入世將誰適古道今不然何怪棄如礫君
猶叩我門我願執君鞫無事當復來有暇卽相覓
雄談過夜半仰視露華滴

再疊前韻贈之

一日不相見三斗塵未滌苦憶卅年前朝夕同閱
歷如何契濶多數載偶一覲忽聞欵門來驚喜破
愁的告我老不衰工夫猶面壁後生起笑人爲爾
常寂寂我已謝俗緣望古或自惕人謂涉矜誇我

實無莫適沙之更汰之何妨後瓦礫放之更棄之
且得免韁勒骨相可封侯久應談笑覓勸君一杯
酒呼乾莫餘滴

詠竹夫人

稱之爲夫人夫人未嘗妬遭時幸侍君當夕本無
數常得君子憐不逢君子怒豈意轉瞬間炎涼忽
愆素棄捐傷秋風欲同團扇賦豈不懷舊恩時事
已非故且復耐歲寒會待陽春度君子非有心團
扇汝勿訴

唐袁傜在水西與賓客同登東峰亭有各賦

一物詩感景物之不殊悵風流之已遠爲
各次其韻和之

山空澗逾響葉落藤自垂根連欹樹出勢與懸崖
宜我來感修綆古人知不知

右和袁傜
垂澗藤

幽徑生寒苔翠色上古壁不與凡卉爭常伴禪居
寂半夜月自來秀影更歷歷

右和劉太
真古壁苔

徘徊萬山裏嶺上多白雲綠林穿古寺隔水明夕
曛悠然情與遠翹首瞻氤氳

右和崔何
嶺上雲

山巒時起伏坡陀嗟阻修古道當石轉危松夾徑
幽獨往不知返應爲懷古留

右和王緯
幽徑石

忽見桂花放淹留當前軒柯憐盤石出葉看簷雀
翻山僧訝久立下堦問寒暄

右和郭澹
臨軒桂

一望杳無際悠然翠滿林不知遠與近但覺深復

深昔人已往矣妙景猶可尋

右和高
俊林中翠

飛飛出谷口嚶嚶似喬遷整翮啼殘雨穿林棲夕

煙緬懷傾聽日同此仲秋天

右和李
岑棲煙鳥

溪水帶雲出草色傍崖看細雨增新綠微風知漸

寒幽賞情不盡添衣興未闌

右和蘇
寓寒溪草

水西千畝竹窈然一徑深古人想未見但賞臨崖

陰小立不忍去今古同此心

右和袁
邕陰崖竹

巖瀕洞

巖瀕天下稀我昔未曾歷嘗讀前賢詩古洞天所

闢洞前有大寺寺前有水隔寺古建自唐水清環

寺碧琴溪三日住有客理遊屐邀我同之往攀崖

陟石壁險絕不敢步下崖藉藤掖到洞可直入所

驚在異色宛如沙結成非土亦非石燦燦金晃漾

磊磊珠的礫佛座踞當中有門分兩側自此到後

洞較前稍逼窄兩壁鐫詩歌頗多宋明刻斷碣亦

滿地殘闕難掎掖最後有小洞窈然深而黑匍伏

始可窺莫知所底極微微聞水聲恐是蛟龍宅客

子不敢留言出前洞息洞口草荒荒野花秋撼撼
不見寺巍峩絕無水涓滴獨有一茅庵結在洞之
北問之庵中僧啞然了不識始知更滄桑慨歎今
非昔

偶有所感因懷古孝子郭巨事

少讀古人書太息郭巨事老人愛幼孫分食乃其
志爲此因埋兒殘忍同於獠傷彼二老心可以一
慟斃事雖幸而免我今心尙悸不慈又不孝難以
問之地何以憶及之有所感而致因念古人難未
可遂相詈有老方食肉有兒奪而噬分半尙不饜
委之以全器乳母始不肯強而後爲飼雖然喂之
食喃喃罵不置推原郭巨心意氣激而出一時感
慨多未嘗念終始事雖大不經心可抉而示作詩
綜後先自戒輕發議

詠微蟲三首

盛春谷以黃泥鑄字草火煉之卽古活字
法也秋夜出詩盤各取數千分賦微蟲於
盤上排列成詩余得三首

蜘蛛

蜘蛛能吐絲其巧亦似蠶但惜無所用網結屋之

簷蜂蝶偶不知觸網裏如函輾轉力既盡自快肆
爾饒蜘蛛爾莫快小兒吁可怪三尺竿上圈仰取
如拾芥非仁亦非殘咸謂除一害

橘蠹

么麼橘上蟲戴角如蝸牛其狀醜可怪其色綠似
油久亦能吐絲自裹不自由忽然化爲蝶五色比
羅浮妍醜今昔異翩翩快仙舉寧知持扇來大有
小兒女撲爾草上花愛爾妍如許

子不

子不爾何微尺水聚千百似得屈伸意顛倒了無
厄胡然化作蚊翩翩生兩翮有翮可自矜有嘴可
自惜所惜聲成雷居然穿隙來利口安可容一擱
身成灰何如倒跂時常依水中苔

橫山祈雨

張公化豨欲通廣德之水於浙事載於昔
人之書不一而廣德所修新志刪其事謂
張於此築臺拜斗旣爲神而祀之雖秉正
論然非事實不足從也

桐川歲大旱百里無潤土五月至六月炎炎日如
火太守戒風興橫山往祈雨同僚皆隨行余亦忝

在伍入門見神像赫然雄而武因思漢張渤實為
 桐川主桐川宣浙間地沃本宜黍病在萬山中不
 通江之浦歲偶一不登坐困無米賈神昔實憫之
 欲鑿山川阻變形幻作豨用力猛過虎戒婦勿往
 窺成功事在久欲饁須有待轟轟聞擊鼓通浙將
 及半六十里可數有鳥啄鼓粒聞聲驚彼婦亟攜
 酒與脯瞿然驚所覩心慙忽自斃神亦羞而怒慨
 歎功不成坐化無所苦桐川心德之巍峩起大廡
 奠神戒食豨百世莫敢侮事載舊志乘往往見雜
 俎有客持正論疑事竊神禹毅然奮筆刪自矜黜
 聳瞽寥寥易數語謂是拜斗處拜斗而為神前既
 無所受何德及一方千年駿奔走論非不近正事
 豈異今古神禹跡果真此亦當可取我今向神祈
 神當應我叩通潮昔未成降雨今可補大沛三日
 霖長我豐年稔我為曉土人事宜從舊譜陳秋麓
橫山神江南到處祠之祠山事要所載雖涉怪異
然祇可作一辨以糾其太甚未可遽刪謂絕無其
事也詩具有斟酌非狗俗見

自野渡至幽溪

遊山不辭勞尋山每恐緩看山如看書患在所入
 淺野渡問幽棲路人苦言遠奮衣緣石徑曲折途

琴上詩鈔 卷四
屢變陂陀隔同行出沒互流眇到門木樨香清風
泠然善高低敞小軒竹樹亦婉孌寺僧能肅客烹
茶布誠欵自云山中泉清冽世所鮮地僻少勝遊
獨使幽谷顯啞然慙此言聊爲啜一盃返照入空
林棲鳥歸絕巘僮僕催速還言循舊路轉不覺新
月生白雲相舒卷

陳子愚孫古愚黎紫亭濮玉亭連日招飲豐
樂醉翁二亭賦此爲謝

賢豪互主客邀我遊名山滁陽古大郡良守相後
先匪惟政事美山水生竒觀廣文旣閑曹焉敢輕
追攀側承諸賢意使我慙心顏駕言遵山麓迢遞
陟亭端傳杯愬行遲相對忘言詮嘉會一未足勝
遊復此般冒雨泥沒髀折角風墮冠懸岸訪古刻
沿流窮澗源尋樂不知疲指景且盡歡誰謂情可
書累牘難具言





